

բարձրանալ : Նուրէտտօնի մահէն յետոյ սկսաւ անոր երկիր-  
ները գրաւել մինչև Հալէպ :

Սալահէտտօնի գլխաւոր գործն էր Երուսաղէմի գրաւումը  
քրիստոնեաներէն , 1187 Հոկտ. 3 :

Մեռաւ 1193 ին :

Սալահէտտօնը աչալուրջ շրջահայեաց և քաջ իշխան մ'էր .  
արդարութիւնը կը սիրէր և իւր խօսքը կը բռնէր . 17 որդի  
և մէկ աղջիկ ունեցաւ , և ինքը եղաւ Եգիպտոսի էյուպեանց  
հիմնադիրը :

Քիւրդերը իրենք կըսեն որ Սալահէտտօնը Լեվիցի է , և  
իր իշխանութիւնը Քրդական իշխանութիւն էր , իբր յաղթա-  
կան տիրապետութիւն օտար կրկիրներու վրայ : Սա քիւրդ  
տեսակէտ մը է , որ չ'ըմբռներ համայնքի իշխանութիւնը  
որմէ բղխած լինի անհատներու վարչութիւնը . այլ կընդունի  
որ անհատներն են , որ տիրելով ժողովուրդներու՝ կը գտնեն  
կուսակիցներ և կը կազմեն իշխանութիւն :

Ուրիշ Քիւրդ պետական և գլխուորական մարդկանց ա-  
նունները թուազրել և յիշատակել մեզ հետուն կը տանի .  
Թիւրք և Պարսիկ քաղաքական և գլխուորական պատմութեան  
մէջ բաւական թիւ կը կազմեն անոնք :

Այս պետական և գլխուորական անհատականութիւնները  
մեզ համար կը ներկայանան իբր Քիւրդ ցեղի յատկանշական  
կողմը միայն՝ որ առնչութիւն մը չունի Քիւրդ ցեղական պե-  
տականութեան և գլխուորականութեան հետ :

## ՔԻՒՐԴԵՐԸ Ի ԲՆԷ ԵՒ ԱՅԺՄ ՆԻՒԹԱՊԱՇՏ (Matérialiste)

« Աշխարհիս մէջ հազիւ թէ կարելի լինի քրդա-  
կանին պէս , աշխարհէ . օտարացած երկրորդ  
ցեղ մը գտնել : »

« Տէր Քրիստաւիտէ Օրբէնդ . »

Քիւրդը բնաւ հայեցողական կեանք չունի . որքան ալ և  
ինչ պարագաներու մէջ աշխատութիւն . թափուած է զրգռել